

Headline	Lawatan PM ke London perkukuh kerjasama		
MediaTitle	Berita Harian		
Date	28 Oct 2013	Color	Full Color
Section	Nasional	Circulation	192,982
Page No	2	Readership	1,521,000
Language	Malay	ArticleSize	284 cm <sup>2</sup>
Journalist	Ahmad Zaini Kamaruzzaman madzaini@bh.	AdValue	RM 9,615
Frequency	Daily	PR Value	RM 28,845



# Lawatan PM ke London perkukuh kerjasama

**Lawatan** kerja Datuk Seri Najib Razak ke sini bagi menghadiri Forum Ekonomi Dunia Islam (WIEF) mempunyai matlamat serampang dua mata untuk kepentingan negara.

Selain hadir untuk WIEF, Perdana Menteri turut berkesempatan bertemu rakan sejawatnya, David Cameron di Pejabat Perdana Menteri United Kingdom di No 10, Downing Street.

Sebelum ini mereka bertemu di sini dan di Kuala Lumpur ketika kunjungan rasmi Cameron ke Malaysia.

Dalam pertemuan dua hala lewat petang esok waktu London, kedua-dua pemimpin akan menyentuh pelbagai perkara berkaitan hubungan Kuala Lumpur-London.

Pesuruhjaya Tinggi Malaysia di sini, Datuk Seri Zakaria Sulong, memaklumkan kepada wartawan Malaysia banyak perkara yang bakal disentuh untuk mengukuhkan lagi hubungan dan kerjasama dua negara.

Antara yang menjadi tumpuan ialah kerjasama dalam bidang pendidikan dan keadaan semasa dalam pelbagai bidang seperti ekonomi serta keselamatan di peringkat serantau dan antarabangsa.

## Kerjasama beri manfaat

“Tumpuan pastinya mengenai

bagaimana sebarang kerjasama dapat memberi manfaat kepada kedua-dua negara,” katanya di sini.

Sebelum bermula WIEF, esok, Najib dan Datin Seri Rosmah Mansor yang tiba lewat malam kelmarin mempunyai beberapa acara di Manchester hari ini.

Mereka akan menghadiri program anjuran 1M4U membabitkan sukarelawan Malaysia di sini dalam acara Cook 4 U atau Masak Untuk Anda dan program Rakan Surau di Manchester Central Mosque and Islamic Culture.

Perdana Menteri seperti kelaziman akan mengambil kesempatan menemui komuniti Malaysia di luar negara dan kali ini membabitkan mereka di Manchester.

Sementara itu, sepanjang WIEF, Najib yang juga penaung yayasan berkenaan akan menyambut ketibaan peserta, termasuk sembilan ketua kerajaan dan ketua negara sebelum menyampaikan ucapan tama.

Sepanjang forum dua hari, Perdana Menteri juga akan melawat ekspo WIEF, menyaksikan majlis perjanjian usaha sama dan kerjasama membabitkan Maybank Islamic Berhad dan Lembaga Tabung Haji serta taklimat Agensi Inovasi Malaysia (AIM).

Headline	Lawatan PM ke London perkukuh kerjasama		
MediaTitle	Berita Harian		
Date	28 Oct 2013	Color	Full Color
Section	Nasional	Circulation	192,982
Page No	2	Readership	1,521,000
Language	Malay	ArticleSize	284 cm <sup>2</sup>
Journalist	Ahmad Zaini Kamaruzzaman madzaini@bh.	AdValue	RM 9,615
Frequency	Daily	PR Value	RM 28,845



**Najib dan Rosmah bersalaman dengan pegawai kedutaan Malaysia sejurus tiba di hotel penginapannya di London, semalam.**

(FOTO BERNAMA)

**Ahmad Zaini  
Kamaruzzaman**  
madzaini@bh.  
com.my  
► London

